



Jumat, 01 April 2022
Ogen: Esekiel33:1-9



Tanda Bahaya



\\ Gundera sala gundera, buluh belin ku benturi. Kutera kalak ku tera, beltekku mbelin ku besuri" enda sada ndung-ndungen (pantun) i bas kalak karo. Isina nuriken kerna kalak si la ngukurken kalak sideban, terjeng ngukurken dirina saja ia.

Dibata mereken persinget man bangsaNa arah suruh-suruhanNa e me Esekiel. Ia isuruh bagi si erjaga. Lit dua biak si erjaga enda eme: si pemena lit me jadi sada perang bas kuta e, e maka si erjaga kuta e arus mereken tanda bahaya man kerina anak kuta segelah anak kuta e metenget. Kalak simegiken dinging mediate nandangi tanda sengget enda mabai keselamatan man bana sabap pulah i bas peperangen e, tapi man kalak si la mediate nandangi si e mabai kiniseran/kematen kap. Keselamatan anak kuta e mbelin kel ngaruhna arah erjaga kuta e. Kune dahin enda ilakoken maka si erjaga e enggo ngelakoken dahin si mehuli. Si peduaken, adi si erjaga kuta e ngidah musuh e nandangi reh tapi la mereken tandan bahaya, la ia megermet dinging la ermediate, dirina saja ngenca iselamatkenna. Kune anak kuta e mate erkiteken la lit si mereken tanda bahaya, si erjaga e arus ertanggungjabap nandangi kematen anak kuta e. Bagenda me isuruh Dibata si mandahinken Esekiel.

Dibata mindo segelah suruh-suruhanNa mediate (peduli). Ia me si jadi corong entah pe gancih babah Dibata man bangsaNa mpeseh kata persinget, kata pedah ras kata penjemba man bangsaNa. Bage ka me kita selaku moria, melala sienggo sibegiken dinging si eteh kerna si mehuli. Kerina enda labo guna dirinta saja, kita singangkai si mehuli e ertanggungjabap nehkenca man kalak sideban. Kune siidah si la mehuli ilakoken kalak kai nge silakoken man banna? Mekatep turah bas perukurenku "erkai aku ndarami juma cameten," "adi kusuriangi kari segat atena aku," "madin kem ken, me ia nge pagi ngenanamisa, si penting aku selamat." Pengadilah perukuren si bage. Ingetlah maka kita isuruh Dibata si erjaga, man se isi jabu, tema-temanta ras kalak sideban mari situriken tanda e.